

Besigheidsvrou se droom vir gestremde kinders

LEPHALALE – ‘n Sakevrou se droom is bewaarheid toe sy hierdie week haar eerste voorbeelde vir Sedibeng Gekombineerde Skool se naaldwerk en kreatiewe sentrum kon bekendstel.

“Partners for Possibility, ‘n nie-winsgewende organisasie, het my verlede jaar gekontak om betrokke te raak by die opheffing van skole in die Lephalale-omgewing,” vertel Karen Stadler, ‘n bemarking en bedryfsielkundige, wat Sedibeng se sakevenoot geword het.

Volgens Stadler het sy die skool, wat gespesialiseerde onderwys vir kinders met ‘n verskeidenheid gestremdhede aanbied, besoek en was dadelik gretig om betrokke te raak.

“Ek wil die kinders basiese sakekennis

leer sodat hul die vaardighede wat in die naaldwerk en handwerk klasse aangebied word kan gebruik om eendag ‘n inkomste te verdien.”

Stadler het verskeie organisasies en privaatpersone genader om skenkings vir die skool te bekom. “Ek het papier by Paper World in Pretoria gekry en het ook met Mareth van Wyk, ‘n mode ontwerper in Lephalale, kontak gemaak om te help met die naaldwerkklasse.”

Stadler se groot droom is om hierdie jaar tydens die Bosveldfees ‘n stalletjie met Sedibeng se handwerk te hê. “Enigiemand in Lephalale wat dalk ‘n vry uur of twee het, en ‘n handwerk klasse kan aanbied, is welkom om by die skool aan te sluit tussen 11:00 en 13:00 elke weksdag.”



Van die handwerk projekte wat Stadler met die gestremde kinders gaan aanpak.